

Universitätsbibliothek Paderborn

Instructio practica ...

Institutiones Theologiæ Mysticæ, Seu Facilem & practicum modum
Exercitia Spiritualia S.P. Ignatii Loyolae per octiduum faciendi - item
triduanam recollectionem fructosè instituendi complectens, Et
Sacerdotibus Præcipuè, aut de Sacerdotali Statu suscipiendo
deliberantibus accomodata, Una cum ...

Lohner, Tobias

Dilingæ, 1680

§.1. De causa finali Exercitiorum.

[urn:nbn:de:hbz:466:1-48834](#)

beant. Quæ tota descriptio clarius patet; si omnia, quæ de his Exercitiis dici possunt, ad quatuor suas causas reverentur, ut in sequentibus paragraphis perscrutabitur.

§. I.

De Causa finali Exercitiorum Spiritualium.

I. Ut facilius, clarissime finis horum Exercitiorum cognoscatur, supponendum est primò ex S. Thoma 2.2.q.81.a.8. perfectionem in duobus potissimum capitibus confidere, in puritate scilicet, & immobili unione cum DEO; per hanc enim DEO velut summo bono, & fini ultimo Homo conjungitur, atque adeò veram felicitatem, qualis in hac vita mortali haberi potest, assequitur. Quia verò Homo cum DEO unitus non potest, nisi ab omnibus inferioribus objectis seu creaturis penitus sit separatus, ideo puritas requiritur, cuius proprium est officium, mentem ab omni inordinato erga res creatas amore abstrahere, atque ad solum DEVUM amandum atque fruendum convertere.

II. Secundò supponendum est, duplarem esse charitatem seu unionem cum DEO, affectivam scilicet, & efficiam, quarum prior in solis actibus internis complacentia, congratulationis, & laudis ob summam ejus bonitatem consistit; posterior verò etiam ad opera DEO placentia, gloriamque eius manifestandam atque augendam impellit, ad quam proinde S. Joannes 1. Jo. 3.hortatus est dicens: *Filioli mei, non diligamus verbo, neque lingua, sed opere & veritate.* De eadem etiam locutus est S. Ignatius, dum in Contemplatione de amore dixit, amorem magis in operibus, quam verbis consistere.

III. Atque hinc videlicet totus virtutum tam Theologiarum, quam Moralium apparatus originem suam trahit, cum enim nihil amari possit, nisi præcognitum, nec voluntas ad prosecutionem alicujus objecti media, virésque applicet, nisi possibilem illius consecutionem esse sciat, hinc Fidei & Spei supernaturalis necessitas oritur, quarum illa DEVUM saltem in ænigmate cum suis perfectionibus ostendit; ista verò possessionem illius per media convenientia ob-

tanet

tineri posse demonstrat. Quia autem, ut recte D. Augustinus in epist. ad Maced. advertit, *ad Deum, qui ubique præsens est, non pedibus licet ire, sed moribus; mores autem nostræ non ex eo, quod quisque novit, sed ex eo, quod diligit, discedari solent*; hiuc ante omnia prima virtus moralis, nempe Prudentia est necessaria, quæ media ad finem propositum convenientia eligere doceat. Post hanc verò Justitia requiritur, quæ ad Jus suum cuique tribuendum inclinet. A quo exercitio, cum duo potissimum impedimenta, teste S. Augustino in Ps. 38. impedian, nempe male ardens cupiditas, & male jacens timiditas (quam ob causam jam olim antiqui Philosophi totam suam Philosophiam in geminis vocibus *abstine, & sustine* constituerunt) hinc reliquarum duarum moralium vittatum, videlicet *Temperantia & Fortitudinis* necessitas oritur, quarum prior cupiditatem inordinatam refrebat; posterior verò timorem inter pericula & difficultates timiditatem mitigat. Atque ex his modo non difficile erit, finem & scopum, imò rōsum Sistēma Exercitiorum Spirituallium per sequentia Corollaria cognoscere. Itaque

IV. Colligitur primò. Recte ab Ascētis & Patribus Spiritualibus vitam hominis peregrinationi seu itineri comparati, ut enim is, qui iter facit, tria sibi proposita habere, & præstare debet, nempe Terminum, seu locum, à quo recedendum est: Terminum seu viam, per quam incedendum est: & Terminum denique seu locum, ad quem accedendum est, ac in eo quiescendum; ita simili quoque modo eadem tria is, qui hanc vitam ingressus est, atque ad ultimum suum finem tendit, sibi proponere debet. Et Terminus quidem, ad quem assequendum tendere oportet, non aliud est, quam ipsa Charitas, seu unio cum DÉO, quæ est perfectio hominis, & ultimus finis, in quo finaliter quiescendum est. Quia verò ab hoc Termino per solum inordinatum amorem sui ipsius & ailiarum creaturarum, atque adeò per peccatum receditur, ideo Terminus, à quo discedendum est, recte prædictus amor inordiuatus & Peccatum statuitur. Cūm verò ad peccatum vitandum oppositarum virtutum exercitium requiratur, ideo recte quoque pro via, per quam ad DÉVM accedendum est, virtutes, quas DÉVS à quovis homine secundum Statum suum requirit, assignantur, quam totam doctrinam ipse Spiritus

De Natura Exercitiorum.

4
tus Sanctus per Prophetam Davidem Psal. 33. indicasse videatur, dum dixit: *Quis est homo, qui vult vitam, diligat dies videre bonos? Diverte a malo, et fac bonum: inquire pacem* (seu perfectionem & finem ultimum, in cuius adeptione pax vera animi consistit) *& persequere eam.*

V. Colligitur secundò. Rectè ab ijsdem Ascetis in studio perfectionis tres vias triplici, de quo modò diximus, Termino correspondentes assignari; quatum primam *Purgativam* vocant, eò quòd proprium illius officium sit, animam purgare, id est, ab omni amore inordinato rei tertæ atque peccato abstrahere, in quo vera animæ puritas consistit. Alteram *illuminativam* vocant, eò quòd anima à tenebris peccati liberata sit habilis & apta ad divinas illustrations, & illapsum interni luminis recipiendum (juxta illud Christi: *Beati mundo corde, quoniam DEVM videbunt.* Matth. 5. imò in ipsa luce & die virtutum & operum bonorum ambulare incipiat, sìcque adimpleat consilium Apostoli dicentis Rom. 13. *Nox praecepsit, dies autem appropinquavit. Abycimus ergo opera tenebrarum, & induamus arma lucis.* Sicut in die honestè ambulemus. Alij non incongruè hanc viam ideo illuminativam dici existimant, quòd homo in hac via constitutus pro fine exercitium virtutum sibi propositum habeat, atque ut hunc finem faciliùs, perfectiùsque assequatur, Christum, qui est lux vera illuminans omnem hominem venientem in hunc Mundum, & absolutissima omnis virtutis ac sanctitatis Idea, in tali exercitio imitandum assumat, atque adeò ab illo illuminetur ad dictas virtutes perfectissimo modo exercendas. Tertiam denique viam *Vnitivam* appellant, eò quòd per illam homo ipsam Charitatis divinæ perfectionem, atque adeò etiam unionem cum DEO assequatur, sìcque Terminum sui itineris seu tendentia ad ultimum finem adeptus, suaviter in eodem requiescat.

VI. Colligitur tertio. Potissimum Exercitiorum scopum esse, ut hominem salutis suæ studiosum per triplicem hanc viam ad ultimum suum finem deducant. Etsi enim S. Ignatius totam Exercitiorum materiam in quatuor hebdomadas diviserit, rectè ramen eadem, ut fusiū Directorium Exercitiorum ostendit, triplici huic viæ respondere dicuntur, cùm prima hebdomas tota in peccatis extirpandis occuperet,

De Natura Exercitiorum.

§

petur, atque adeò viæ Purgativæ respondeat; Secunda vero & tertia totæ in virtutibus Christi imitandis laborent, quarum aliquæ, quia in agendo præcipue consistunt (ut virtutes ad Prudentiam & Jultitiam pertinentes) aliæ in homine ab illicitis objectis abstrahendo, atque adeò in abstinen- do occupentur; aliæ denique in eodem homine adversus varias difficultates in virtutum exercitio occurrentes roborando, atque adeò in sustinendo versentur, & hæ utpote longè alijs difficiliores majorem quoque perfectionem, qualem Christus in sua passione maximè ostendit, involvant, meritò Ihsdem S. Ignatius peculiarem hebdomadam assignavit, ad eoque viam hanc illuminativam, sicut olim S. Thomas secundam Theologiae partem, in duas alias partes partitus est. Quarta denique, quæ in homine per divinum amorem inflammando potissimum desudat, viæ unitivæ respondet. Circa quas tamen hebdomadas & vias rectè notat citatum Directorium, non ita, quæ de ijs dicta sunt, accipienda esse, ut intelligatur aliquis, peractâ primâ hebdomadâ, perfectè & plenè purgatus; peractâ autem secundâ & tertîâ hebdomadâ perfectè illuminatus; & quartâ denique absolutâ, pervenisse ad plenam unionem cum DEO (hæc enim omnia indigent diurno tempore, studio, & exercitatione in extirpan- dis vitijs, in passionibus edomandis, & virtutibus acquirendis) sed quod quatuor hæc hebdomadæ respondeant his tribus vijs primò propter materias, quæ in earum qualibet tractantur, pertinentes ad has vias; & quia in eis jaciuntur initia singularum, quæ deinde oportet proseguiri cum tempore, & cum studio, si velimus ad aliquam earum perfectionem pervenire. Deinde etiam, quia discitur modus & methodus, quam deinceps servare debemus in unaquaque harum via prosequenda.

VII. Colligitur quartò. Rectè ab aliquibus pro Scopo horum Exercitiorum Spiritualium Reformationem hominis interioris assignari; quæ quidem nihil aliud est, quam morum, vitæque in meliorem formam commutatio, & triplex ab Antonio Gaudier p. 6. Introd. c. 25. statuitur. Prima est omnino necessaria ad salutem, cùm quis in Statu suo damnabiliter vivit. Secunda est extremitè contraria, nimirum Perfectorum, qui nec gravia habent peccata, nec imperfe-

A 3

ctiones

ctiones magnas , quas tollant in sua reformatione , unde præcipue intendunt , majorem duntaxat perfectionem addere , magisque ac magis Christo se conformare . Tertia reformatio est media inter priores duas , quando scilicet vita nec omnino damnable , nec omnino perfecta est , sed multis ac periculis imperfectionibus est plena , adeò ut periculosè vivatur , & interdum peccata , de quibus dubium est , an non sint mortalia , committantur ; quæ proinde frequentior esse solet , aique adeò crebrius etiam per Exercitia intenditur .

§. II.

De Causa Materiali , seu Subjecto Exercitiorum.

I. Per hanc is , qui Exercitia facturas est , intelligitur , de quo quidem id potissimum hoc loco considerandum est , quomodo dispositus esse debeat , ut optatum ex talibus Exercitijs fructum referat , qua dispositio juxta ea , quæ in Directorio cap. 2. dicuntur , ad tria ferè capita revocari potest , nempe ut aliqua erga DEVM ; alia erga eum , qui tradit Exercitia ; alia denique erga seipsum observet .

II. Primò itaque erga DEVM sequentia tria observare debet juxta citatum Directorium . 1. Ut habeat magnam spem in bonitate & liberalitate DEI , qui , cùm etiam errantes requirat , & fugientes sequatur , multò magis eos , qui ad se ultro bono animo accedunt , recipiet & complectetur . 2. Ut libenter & avidè Exercitia hæc aggrediatur , non tam ut spirituali dulcedine fruatur , quam ut DEI voluntatem de se intelligat , suūmque affectum à terrenis omnibus avellat , & eum in suo Creatore collocet . 3. Ut sit bene resignatus in beneplacito DEI in ijs , in quibus adhuc liber est , itaq; animo paratus sit , ut , quidquid cognoverit à DEO faciendum esse , omnino exequi decernat ; minimè autem D E O ponere modum velit aut terminum , ultra quem illuminari aut juvari non petat ; hoc enim modo , præterquam quod valde indecens sit , ut Creatura cum suo Creatore sic agat , valde sibi ipsi nocet , tum quia privat se majoribus donis ; tum quia mereatur tali restrictione , ut ne ea etiam , quæ vellet , accipiat . Quare debet potius animi sinum dilatare , ut , quam maximè possit